

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energijske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

ODLUKU

I.

Odbija se prigovor podnosioca prijave, Alija Halilović, Braće Ramovića 17, 73101 Goražde, kao neosnovan.

II.

Ova Odluka je konačna i stupa na snagu danom donošenja.

Obrazloženje

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energijske efikasnosti u stambenim objektima za 2024. godinu – JP BPEU SS 2024-1 broj: 01-09-12-431/2024 od 07.10.2024. godine, utvrđeno je da prijava pod rednim brojem 5741 nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.


Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj: 06-1-248/2024 od 29.10.2024. godine, utvrđeno je da podnosilac prijave u svojoj prijavi nije dokazao navode dostavljene u prigovoru, odnosno da se na fotografijama nalazi veći broj otvora iz razloga što je morao dostaviti fotografije cijelog objekta, na kojima se nalazi i prizemlje koje nije predmet prijave, nego samo sprat. Navodi da kada se dostavljene fotografije

unutrašnje strane prozora dovedu u vezu s predračunom, jasno se može zaključiti o kojim se pozicijama radi. Navodi da je Fond i ranije prihvatao i sufinansirao iste mjere prijavljene na isti način.

Uvidom u dostavljeno, Komisija za prigovore je utvrdila da se tekstom JP jasno nalaže da fotodokumentacija postojeće vanjske stolarije i bravarije na objektu (svih fasadnih otvora) – dostavljaju se fotografije vanjskog cjelovitog prikaza objekta na kojima su prema pozicijama iz predračuna vidljive i obilježene sve pozicije koju su predmet prijave. Nadalje, prijava uz koju se ne dostave fotografije kojima se nedvojbeno potvrđuje da je riječ o cjelovitoj zamjeni sve stolarije koja pripada prijavljenom objektu, ili se dostavljaju fotografije na kojima nisu vidljivi svi otvori uz naznaku onih koji su predmet zamjene, ili ne bude dato prihvatljivo pojašnjenje o razlogu za nemijenjanje pojedinog otvora, smatrat će se nekompletnom i bit će odbijena. Imajući u vidu prethodno navedeno, komisija za pregled prijava nije mogla da donese drugačiji zaključak. Navod podnosioca prijave da je Fond i ranije prihvatao prijave dostavljene na isti način, Komisija smatra paušalnim i neutemeljenim.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.


Sladjan Bevanda direktor



Broj: 01-09-12-6776/2024

Sarajevo, 08.11.2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a